


Kela<sup>fi</sup>

# Pärniperruuh

UÁNIHÁVT JÁ ČIELGÁSÁVT



# Siskáldâs

Pärniperrui torjuuh	1
Kii puáhtá uážžud pärniperruu torjuid?	2
Ovdil ko pärni šadda	3
Ko pärni šadda	5
Pärnitipšo torjuuh	10
Jis pärni puáccáá	13
Elettemtoorjâ	14
Uuccâm já máksim	15
Návt Kela palvâl	17

# Pärniperrui torjuuh

Taan tiedettemčáállusist muštâluvvo, ete maht Kela tuárju pärniperruid. Tiedettemčáálus muštâl ive 2020 tiileest. Mieldi iä lah puoh torjui detaljeh.

Kela máksá pärniperrui ruđâlii torjuu eeni äpittesvuotâäigi rääjist. Kela torjuu vievâst vaanhimeh sättih lede parnijn tehâlij vuossâmui mánuppoojij ääigi. Mañeláá Kela tuárju pärni tipšo já pärnist šaddee koloid.

Kela torjuuh pärniperruid láá

- enijtoorjâ
- vaanhimijpeiviruudah
- pärnilase
- pärnitipšo torjuuh
- pyeccee já vâdulii pärni torjuuh
- elettemtoorjâ.
- 

Vaanhimijpeiviruttâ lii ohtsâš nomâttâs torjuud, moh láá

- enijruttâ
- sierânâsenijruttâ
- ejijruttâ
- vaanhimijruttâ.

Täärhist meid, ete puávtáh-uv uázžud maidnii eres Kela máksim torjuud.


Eres perrui lohtâseijee Kela torjuuh láá ovdâmerkkân aassâm torjuuh, puáccáámân lohtâseijee sajanmáávsuh, uáppee já viärjukenigâslii uázžum torjuuh já pargottesvuotâtoorjâ. Toh láá oovdânpuohtum jieijâs tiedettemčáállusijn.

# Kii puáhtá uážžud pärniperruu torjuid?

Tun puávtáh uážžud Kela pärniperruu torjuid, ko kuulah Suomâ sosiaaltoorvon já aasah fastâ Suomâst. Motomin torjuid pyehtih uážžud meid eres ulmuuh, jis sij pargeh Suomâst.

Jis tun lah aassâm olgoenâmijn teikâ varriimin olgoenâmáid, te täärhist, ete puávtáh-uv uážžud Kela mäksim torjuid. Varrim Suomân tâi Suomâst meddâl puáhtá vaikuttid Kela mäksim torjuid.

## PEERÁHIÄDUH KO 1. PÄRNI ŠADDA



\*puáhtá toollâd oosijn ton räi, ko pärni tiävdá 2 ive.

# Ovdil ko pärni šadda

Jis tun oskoh, ete lah vyerdimin, te väaldi ohtâvuodâ tuu päikkikielâ enijravviittâhân. Enijravviittuv palvâlusah láá nuuvtá.


Ravviittuvâst tun uážuh šiev ravvuid äpittesvuotäääigi já šoddâdem várás. Toos lasseen ravviittuvâst čuávuh eeni já pärnáá tiervâsvuodâtile.

Enni kalga eelliđ tuáhtártäährhistmist äpittesvuodâ aalgâst majemustáá 18. äpittesvuotâohhoost.

Täährhistmist tun uážuh äpittesvuotâtuodâštus. Tun tarbâšah tuodâštus, ko uusah Kelast torjuu.

## Enijtoorjâ

Tun puávtáh uuccâđ enijtorjuu, ko äpittesvuotâ lii pištám 5 mánuppaje. Tun puávtáh valjid enijpakkeet tâi 170 eurod. Enijpakettist láá tipšotarbâšeh já pihtâseh pärnáá várás.



## Enijruttâ

Enni kalga pääccid ennirijân majemustáá 30 argâpeivid ovdil rekinistum šoddâdemääigi. Ko enni pääcá ennirijân, te sun uážuškuát enijruudâ. Enijruttâ máksoo 105 argâpeivid adai suulân 4 mánuppaje.

Enni puáhtá pääccid ennirijân tolemustáá 50 argâpeivid ovdil rekinistum šoddâdemääigi. Talle enni uážžu enijruudâ-uv tolebáá.

Uusâ enijruudâ majemustáá 2 mánuppaje ovdil rekinistum šoddâdemääigi.

Täärhist ovdil uuccâm, ete uážuh-uv ennirijâ ääigi päälhi.

Mušte almottid pargoadeleijej ennijâst 2 mánuppaje ovdil rijâ algâtem.

## Sierânâsenijruttâ

Jis tun erdâšuu pargostâd suonjârdmân, kemikaalâid tâi njuámmootavdáid, te tun puávtáh pääccid pargoost meddâl tállân, ko äpittesvuotâ lii kavnâttum. Tágárijn tilálâšvuodâin tun uážuh sierânâsenijruudâ.

# Ko pärni šadda

Päärni šoddâm maņa  
vaanhimeh uázžuv lede  
parnijn päähist.  
Kela máksá taan äägist rudâlii  
torjuu, mii tuurvâst perruu puáduid.

## Enijruttâ

Päärni šoddâm maņa eeni  
enniluámu juátkoo suulân  
3 mánuppaje.  
lânán máksoo enijruttâ taan äägi.

## Ejijruttâ

Eeči puáhtá toollâđ riijá ohtsis  
enâmustáá 54 argâpeivid  
adaí suulân 9 okkod.  
Kela máksá ejijriijâ äägist  
ejijruudâ.  
Tun puávtáh lede ejijriijâst  
1–18 argâpeivid adaí 3 oho  
päähist ennijn siämmáá äägi.  
Tun puávtáh lede ennijn päähist  
siämmáá äägi enâmusta  
neelji paajeest.

Jis tun lah jo toollâm  
18 argâpeivid riijá,  
te puávtáh vala toollâđ  
36 argâpeivid.  
Tun puávtáh toollâđ  
taid ton maņa,  
ko vaanhimijruudâ uázžum  
lii nuuhâm.

Jis tun jieh lah vala toollâm ollágin  
riijâ, te tun puávtáh toollâđ ohtân  
puoh 54 argâpeivid riijá.

Jis peerâ uázžu jyemeháid,  
te Kela máksá ejijruudâ  
18 argâpeivid lase.  
Puávtáh toollâđ taid peeivijd  
ennijn siämmáá äägi teikâ  
ton maņa ko vaanhimijruttâ  
lii nuuhâm.

Ejijriijâ tuálloo ovdil  
ko pärni lii 2 ive.  
Tun puávtáh uuccâđ  
ejijruudâ meid maajeeldkietân.  
Uusâ ejijruudâ kuittâg  
majemustáá 2 mánuppaje keččin  
tast, ko pärni lii tiävdám 2 ive já  
2 mánuppaje.

Täärhist ovdil uuccâm,  
ete uázuh-uv tun  
ejijriijâ äägi päälhi.

Almoot pargoadeleijeí ejijriijâst  
2 mánuppaje ovdil ko riijá álgá.

Jis tuu riijá lii enâmustáá  
12 argâpeivid, te almoot tast  
mánuppaje muuneeld.

Puávtáh uuccâđ ejijruuda meid,  
jis lah ovdâmerkkân irätteijee,  
pargottes olmooš tâi uáppee.

## Vaanhimijruttâ

Vaanhimijriijân puáhtá pääccid  
nubbe tâi nubbe vanhim.  
Suái pyehtiv leđe riijâst  
meid vuáruluvâi.

Vaanhimijrijjâ pištá  
158 argâpeivid adai suulân ihepele.  
Kela máksá vaanhimijrijjâ  
ääigist vaanhimijruudâ.  
Ko vaanhimijruttâ nohá,  
te pärni lii suulân  
9 mánuppaje puáris.

Jis peerâ uázžu jyemeháid,  
te Kela máksá vaanhimijruudâ  
60 argâpeivid lase.

Jis enni huolât päärnist ohtuu,  
te sun puáhtá leđe vaanhimijriijâst  
kuhheeb.

Sun puáhtá uázžuđ vaanhimijruudâ  
54 argâpeivid kuhheeb,  
jis vaanhimijrijjâ lii álgám  
1.4.2019 teikâ ton maŋa.  
Taat váátá, ete päärnist ij lah  
visásmittum eeči tâi nubbe olmooš,  
kii puávtáččij uázžuđ ejijruudâ.

Enni kalga eellid šoddâdem  
maŋa tuáhtártäärhistmist  
já toimâttid Kelan  
monnjâtarkkumtuodâštus.  
Kela taarbâš tuodâštus,  
vâi tot puáhtá mäksid  
vaanhimijruudâ.

Uusâ vaanhimijruudâ  
mánuppaje ovdil ko algâttah riijâ.

Vaanhimeh sâttih meid  
porgâđ uásiäigipargo já  
tipšod pääрни vuáruluvâi.  
Taan ääigist Kela máksá  
uásivaanhimijruudâ  
kuohtuid vanhimáid.



## Mon ennuv torjuu uážžu?

Enijruudâ, sierânâsenijruudâ, ejijruudâ já vaanhimijruudâ meeri rekinistoo ihepuáđui mielđ. Ihepuáđuin uáivild tuu puáđuid 12 mánuppaje äägist.

Jis puávtáh uážžuđ torjuu ovdâmerkkân vyesimáánu 2020 rääjist, Kela rekinist torjuu meeri tai puáđui mielđi, maid tun lah uážžum 1.4.2019-31.3.2020.

Toorjâ lii ain ucceeb ko päلكki. Táválávt tot lii suulân 70 % puáđuin.

Toorjâ máksoo argâpeeivijn (mielđiluhâmáin lávurduvâid). Jis tun uážuh vaanhimijrijâ äägist päälhi, te Kela máksá torjuu tuu pargoadeleijej.

Torjui vaaikut meid tot,

jis tun lah jottáám uápuid tâi lamaš pyeccen tâi pargottemmin. Ucemus toorjâ lii suulân 716 eurod mánuppaajeest. Ovdâmerkkân uáppee uážžu taan verd torjuu.

Vaanhimijpeiviruudah láá viäruvuálásiih puáđuh.

Pargei čoggášuvá iäláttâh já iheluámu, ko sun lii enijrijâst, enijrijâst tâi vaanhimijrijâst.

## Toorjâ adoptiovaanhimáid

Kela tuárju adoptiopääрни  
vaanhimijd masa siämmáánáál  
ko biologisijd vaanhimijd.  
Adoptiovaanhimeh iä  
pyevti uázžud enijruudâ,  
mutâ sij uázžuh vaanhimijruudâ  
kuhheeb ääigi ko táválávt.  
Vaanhimijruttâ máksoo  
ton peeivi rääjist,  
ko tun uázuh adoptiopääрни  
tuu tiipšon.

Adoptiopääрни eeči puáhtá toollâd  
ejjiriijâ tego eres-uv eejih.

Jis adoptistáh pääрни olgoenâmijn,  
te tun puávtáh uuccâd Kelast ruđâlii  
torjuu adoptio koloid.

## Kela-korttâ

Ko päрни šadda Suomâst,  
te tiätu tast mana  
pyecceiviäsust aalmugregisterân  
já tast Kelan.  
Pärni uázžu persovntubdâlduv.

Ko päрни lii uázžum noomâ,  
te Kela vuolgât pááikán Kela-koortâ  
ađai pyecceetáhádâskoortâ.



## Pärnilase

Kela máksá jyehi päärnist pärnilase.

Pärnilase máksoo ton mánuppaje loopân, kuás pärni tiävdá 17 ihheed.

Pärnilase máksoo paarnij mere miel:

- vuossâmmu päärnist suulân 95 e/mp
- nube päärnist suulân 105 e/mp
- kuálmád päärnist suulân 134 e/mp
- niäljád päärnist suulân 163 e/mp
- viidâd já jyehi čuávvo päärnist suulân 183 e/mp.

Uánádâs e/mp uáivild euro/eurod mánuppaajeest.

Ohtuuhuolátteijee uázžu aledem, mii lii jyehi päärnist suulân 63 e/mp.

Pärnilase lii viäruttes puátu.

Pärnilase máksoo táválávt iánán, iáčán tâi eres huolátteijei.

Tun puávtáh uuccâđ pärnilase siämmást, ko tun uusah vaanhimijpeiviruudâid adai enijruudâ, sierânâsenijruudâ, ejijruudâ já vaanhimijruudâ . Puávtáh uuccâđ pärnilase meid sierâ.

# Pärnitipšo torjuuh

Vaanhimijriijâ maņa tun puávtáh

- tipšod pääрни pääihist já uážžud päikkitipšo torjuu
- ornid páárnán priivaat peivítipšo já uážžud päikkitipšo tâi priivaat tipšo torjuu
- porgâđ enâmustáá 30 tijmed ohhoost já uážžud njebzilis tipšoruudâ
- pieijâđ pääрни kieldâlii peivítipšon.

## Tipšorijjâ

Vaanhimijriijâ maņa nubbe vaanhimijn puáhtá pääccid tipšod pääрни pälhittes tipšorijjân ton räi, ko pärni tiävdá 3 ive.

Almoot pargoadeleijej tipšorijjâst majemustáá 2 mánuppaje ovdil ko tot álgá.

## Päikkitipšo toorjâ

Päikkitipšo torjuu puáhtá uuccâđ, jis vuálá 3-ihásii pääрни tipšoh eres ko kieldâpeivítipšoost, ovdâmerkkân pääihist. Tipšoo puáhtá leđe pääрни vanhím tâi kiinii eres, ovdâmerkkân ákku tâi äijih tâi pälkkááttum tipšoo.

Päikkitipšo torjuu ij pyevti uážžud, jis pärni lii kieldâ peivítipšoost.

Päikkitipšo torjui kuleh tipšoruttâ já tipšolase.

Tipšoruttâ lii

- suulân 342 e/mp oovtâ vuálá 3-ihásiist
- suulân 102 e/mp jyehi eres vuálá 3-ihásii päärnist
- suulân 66 e/mp jyehi paijeel 3-ihásiist mutâ vuálá škovlâahasii päärnist.

Tipšolase uážžu tuše oovtâ  
päärnist, já tot lii enâmustáá  
suulân 183 e/mp.

Tipšolase meeri meriduvoo  
vaanhimij puáđui miel.

Päikkítipšo toorjâ lii  
viäruvuálásâš puátu.

Tuu päikkikielâ puáhtá  
mäksid kieldâlase.  
Koiđad lasetiäđuid päikkikielâst  
tâi Kelast.

## Priivaat tipšo toorjâ

Tun puávtáh uážžud priivaat tipšo  
torjuu, jis tuu pääрни tipšo  
pálkkááttum tipšoo tâi priivaat  
peivítipšosaje.

Pärni kalga lede vuálá  
škovlâahasâš.

Torjuu ij pyevti uážžud,  
jis pärni lii kieldâ peivítipšoost.

Priivaat tipšo torjui kuleh  
tipšoruttâ já tipšolase.  
Ton lasseen tuu päikkikielâ  
puáhtá mäksid kieldâlase.

Tipšoruttâ puáhtá lede jo-uv  
suulân 174 e/mp tâi suulân 64 e/mp  
tađe miel, mon vijdes pääрни  
peivítipšovuogâdvuotâ lii.

- Stuárráb tipšoruudâ Kela  
máksá ovdâmerkkân talle,  
jis vaanhimeh pargeh tâi  
joteh uápuid olesáigásâžžân.
- Ucceeb tipšoruudâ Kela máksá,  
jis vaanhimeh tâi nubbe sunnust  
lii ubâ peeivi pääihist.  
Suiđan puáhtá lede ovdâmerkkân  
nube pääрни tipšo tâi  
pargottesvuotâ.  
Ucceeb tipšoruttâ máksoo meid  
ovdâmáttááttâsahasijn paarnijn.

Tipšoruudâ lasseen tun puávtáh  
uážžud tipšolase enâmustáá  
suulân 146 e/mp.

Tipšolase meeri meriduvoo  
puáđui miel.

Jis tun uážuh ucceeb tipšoruudâ,  
te meid tipšolase máksoo peellin.

Kela máksá torjuu pálkkááttum  
tipšoi tâi peivítipšosajan.

Priivaat tipšo toorjâ lii  
viäruvuálásâš puátu.

## Njebžilis tipšoruttâ

Tun puávtáh porgâd enâmustáá 30 tijmed ohhoost já tipšod eres ääigi tuu päärni.

Talle tun uážuh ucceeb päälhi, mutâ uážuh Kelast njebžilis tipšoruudâ.

Kela máksá njebžilis tipšoruudâ vuálá 3-ihásii päärnist.

Kuohtuuh vaanhimeh pyehtiv uážžud njebžilis tipšoruudâ. Suái kolgâv kuittâg lede meddâl pargoost já tipšod päärni sierâ ääigi tâi sierâ peeivi.

Njebžilis tipšoruttâ máksoo pargoääigi miel.  
Tipšoruttâ puáhtá lede jo-uv suulân 244 e/mp tâi suulân 162 e/mp tađe miel, mon ennuv tun koskâmiärálávt poorgah oho ääigi.

Kela máksá njebžilis tipšoruudâ tuše oovtâ päärnist häävild.

Njebžilis tipšoruttâ lii viäruvuálásâš puátu.

## Uásitipšoruttâ

Kela máksá uásitipšoruudâ škoovlâst 1. já 2. luokkaast orroo päärnist.

Tun puávtáh uážžud uásitipšoruudâ, ko poorgah enâmustáá 30 tijmed ohhoost päärni tipšo tiet.

Uásitipšoruttâ lii suulân 98 e/mp. Tot lii viäruvuálásâš puátu.

# Jis pärni puáccáá

Jis tuu pärni puáccáá,  
te tun puávtáh tuálvuđ suu  
tiervâsvuođâkuávdázân  
tâi priivaat tuáhtârân.

Kela máksá uási  
priivaat tuáhtâr máávsuin.  
Toos lasseen Kela sajanmáksá  
uási talkkâsij haddeest.  
Tiervâsvuođâkuávdáá tipšoid  
Kela ij sajanmäävsi.

## Jis vuálá 10-ihásâš puáccáá

Jis vuálá 10-ihásâš pärni  
puáccáá kivkked, te tun  
puávtáh pääccid meddâl  
pargoost tipšod suu.  
Tot kočoduvvoo  
koskâpuddâsâš tipšorijjân.

Tun puávtáh tipšod pärni  
enâmustáá 4 peeivi.  
Pargoadeleijee ij taarbâš  
mäksid päälhi koskâpuddâsii  
tipšorijjâ ääigi.  
Kela ij määvsi torjuid taan ääigist.

## Vaigâdávť pyeccee já vâdulii pärni tipšom

Kela tuárju vaigâdávť pyeccee  
tâi vâdulii pärni tipšom.

Kela torjuuh já palvâlusah láá

- sierânâstipšoruttâ vaanhimân,  
kote tipšo vuálá 16-ihásii pärni
- vuálá 16-ihásii vâdulâštoorjâ
- Kela tálhudemvajoiditem.

# Elettemtoorjâ

Jis vaanhimeh iäránává,  
te päärnih pääcih távjá  
nube vaanhimân.  
Talle tot vaanhim,  
kiän lunne pärni ij aasâ,  
máksá elettemtorjuu vaanhimân,  
kiän lunne pärni áásá.  
Vanhim, kiän lunne pärni ij aasâ,  
kočoduvvoo elettemkenigâslâžžân.

Motomin elettemkenigâslâš  
ij máavsi elettemiše tâi  
elettemkenigâslâš vaanhim ij lah.  
Talle Kela puáhtá máksid  
elettemtorjuu ton vaanhimân,  
kote tipšo päärni.

Kela máksá elettemtorjuu, jis

- elettemkenigâslâš vaanhim ij lah máksám elettemiše
- elettemiše lii elettemkenigâslii ekonomâlii tile tiet ucceeb ko elettemtoorjâ
- päärni adoptist tuše ohtâ vaanhim
- päärnist ij lah visásmittum eeči
- päärnist lii visásmittum eeči, mutâ elettemiše ij lah puáhtám visásmittiđ.

Elettemtoorjâ lii päärni kuáttá  
suulân 167 e/mp.  
Elettemtoorjâ lii viäruttem.

## Tiäduh elettemkenigâslâžžân

Jis Kela máksá elettemtorjuu,  
te tot piärá elettemkenigâsliist  
mävsihánnáá pááccám elettemiisijđ.  
Toh kočoduvvojeh elettemiševelgin.

Jis tun jieh pyevti tuu ruttâtile tiet  
máksid elettemiševeelgi Kelan,  
te tun puávtáh uuccâđ  
máksuluovâsmittem Kelast.



# Uuccâm já máksim

Uusâ puoh pärniperrui torjuid viermist:

[www.kela.fi/viermist](http://www.kela.fi/viermist)

Täärhist ucâmušâst, ete moh lahtoseh tast kalgeh lede. Lahtosijd puáhtá toimâttid viermist.

Tun puávtáh uuccâđ torjuid meid luámáttuvâiguin, maid uázžu Kela viermisiiđoin:

[www.kela.fi/luamattuvah](http://www.kela.fi/luamattuvah)

Jis tun uusah torjuu luámáttuvvâin, te vuolgât tom postâ peht Kelan.

Kela postâčujottâs lii

**Kela**  
**PL 10**  
**00056 KELA**

Ko Kela lii kiedâvuššâm tuu ucâmuš, te tun uázuh pááikán miáradâs. Miáradâsâst muštâluvvojuh torjuu meeri, vuáduštâsah já máksupeivi. Tun uázuh miáradâs meid talle, jis tunjin ij lah miedettum toorjâ.

Kela máksá enij-, ejij- já vaanhimijruudâid vaanhim tilin. Máksu puátá tilin maajeeldkietân, táválávt 4 oho kooskâi.

Pärnilase puátá vaanhim tâi eres huolâtteijee tilin táválávt jyehi mánuppaje 26. peeivi. Jis paanĵkih láá talle kiddâ tâi máksupeivi lii pasepeeivi maņa, te pärnilase puátá tilin jo tolebáá.

## Jis tuu tiileest šaddeh nubástusah

Jis tuu tiileest tábáhtuveh nubástusah, tot puáhtá vaikuttid Kela torjuid.

Tagareh nubástusah pyehtih lede ovdâmerkkân asâmist, peerâtiileest tâi puáđuin tábáhtuvvee nubástusah.

Mušte almottid nubástusâin Kelan. Puávtáh almottid nubástusâin viermist, puhelimist tâi toimâttuvâst.

Jis Kela máksá torjuu liijkás ennuv puástutiäđui tiet, te tom kalga peerrâđ tust maasâđ.

## Uusâ nubástus Kela miärádâsân

Tun puávtáh uuccâđ nubástus Kela adelem miärádâsân.

Tun uážuh miärádâsreeivâ miel ravvuid tast, ete maht nubástus occoo.

Jis tust láá koččâmušah, te vääldi ohtâvuodâ vistig Kelan.

[www.kela.fi/uuccam-ja-maksim](http://www.kela.fi/uuccam-ja-maksim)

# Návt Kela palvâl

## Viermist

Kela viermisijđoin tun uážuh tiäđu já puávtáh hoittáđ tuu aašijd:

[www.kela.fi/anaraskielan](http://www.kela.fi/anaraskielan)

Viermist tun puávtáh rekinistid torjui euromeerijd:

[www.kela.fi/laskurit](http://www.kela.fi/laskurit) (suomâ- já ruotâkielân)

Viermiášástállâmpalvâlusâst tun puávtáh tipšođ iänäáš Kela-aašijd:

[www.kela.fi/viermist](http://www.kela.fi/viermist)

Čáládât ášástállâmpalvâlusân jieijâd viermipaŋkkitubdâlduvâiguin tâi tuu puhelin moobiilvisásmitmáin.

Viermiášástállâmpalvâlusâst tun puávtáh uuccâđ torjuid, vuolgâttid lahtosijd, tärhistid tuu ucâmuš tile, vuolgâttid saavâid, almottid nubâstusâin já lopâttid torjuu.

## Tarbâšah-uv tuulhâ?

Jis tun tarbâšah tulkkum, te vääldi ohtâvuodâ Kelan. Kaavnah lasetiäđu tulkkuumist Kela siijđoin.

[www.kela.fi/tarbasah-uv-tuulha](http://www.kela.fi/tarbasah-uv-tuulha)

## Puhelimist

Suomâkielâlâš palvâlus vu-vá 9–16.

Aassâm.....	020 692 210
Almugijkoskâsâš	
ääših.....	020 634 0200
Áigápuátutoorjâ.....	020 692 207
läláttuvah.....	020 692 202
Maassâdpeerrâm.....	020 634 4940
Oppâm.....	020 692 209
Pargottesvuotâ.....	020 692 210
Puáccám	
já koortah .....	020 692 204
<b>Vaanhimvuotâ.....</b>	<b>020 692 206</b>
Vajoidittem já	
vádulâštorjuuh.....	020 692 205

## Toimâttuvast

Täärhist palvâlemsoojij ohtâvuotâtiäđuud já ávusorroomaagijd viermist:

[www.kela.fi/toimattuvast](http://www.kela.fi/toimattuvast)

## Puávtáh väridid ääigi

Tun puávtáh väridid ääigi puhelinpalvâlusân tâi toimâttâhân.

[www.kela.fi/ajanvaraus](http://www.kela.fi/ajanvaraus) (suomâ- já ruotâkielân)

# Kela anarâškielân

## **Anarâškielâlijd viermisijđoh:**

[www.kela.fi/anaraskielan](http://www.kela.fi/anaraskielan)

## **Anarâškielâlijd tiedettemčáálluseh:**

Almos aassâmtoorjâ

Áigápuátutoorjâ

läláttuvah já eres torjuuh iäláttuvuážžoi

Oppâm já viärjukenigâsvuotâ

Pargottesvuotâ

Puoccâm já vajoiditem

■ Pärniperruuh

Varrim Suomân tai Suomâst olgoenâmáid

Anarâškielâlijd tiedettemčáállusijđ puáhtá printtid Kela viermisijđoin